



REPUBLIKA E KOSOVËS-REPUBLIKA KOSOVA-REPUBLIC OF KOSOVO  
KËSHILLI PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD CIVIL SERVICE OF KOSOVO



Planuar / Doretuar Planned / Prepared Kalkuluar / Delivery	18 - 08	2022	2	viti god year
Organ / Niveli Organ / Jednica Org. Unit	Nr. Prot. Br. Prot. Prot. No.	Shtojca Prilog Appendix	Sasia Kolicina Quantity	
SKIMBICK	4803/2022		1/3	



## Republika e Kosovës Republika Kosova - Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.545/2022

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave i përbërë nga: Malsore Gashi-Bajraktari-kryetare, Arben Mehmeti dhe Eshref Shabani -anëtarë dhe Zyle Millaku Gojnovci-Zyrtare e Lartë për Bashkëpunim Profesional në cilësinë e procesmbajtësit, kanë shqyrtuar ankesën me numër A.nr.545/2022 të datës 20.06.2022 të parashtruar nga ankuesja me adresë: rruga kundër organit të punësimit/ Komisionit të Pavarur për Miniera dhe Minerale , në çështjen juridike "shkelje e të drejtës në pagë", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim me datë 17.08.2022, mori këtë:

### V E N D I M

Refuzohet si e pa bazuar ankesa më numër A.nr.545/2022 e datës 20.06.2022 parashtruar nga ankueses

### A r s y e t i m

Ankuesja e punësuar në Komisionin e Pavarur për Miniera dhe Minerale në pozitë: "Kryesuese e Sektorit Gjuhësor", në Drejtorinë e Administratës, sipas Akt Emërimit të datës 14.03.2012 me koeficientin tetë (8), më datë 12.05.2022 dhe me datë 18.05.2022 me emal i është drejtuar Zyres së Personelit në Komisionin e Pavarur për Miniera dhe Minerale, që ti bëhet harmonizimi i koeficientit në pozitën përkatëse konform Njoftimit Nr.6038 të datës 27.11.2014 të Ministrisë së Administratës Publike-MAP/DASHC, nga koeficienti 8 në koeficientin 8.5, ndërsa ankuesja më datë 09.06.2022 është njoftuar që kërkesa juaj shqyrtohet dhe vendosje nga menaxhmenti i lartë i Komisionit të Pavarur për Miniera dhe Minerale.

Ankuesja me datë 20.06.2022 ka parashtrua ankesë tek Këshilli i Pavarur Mbikëqyrës për Shërbim Civil të Kosovës me pretendimin ankimore që ti bëhet harmonizimi i koeficientit nga koeficienti 8 në koeficientin 8.5, sipas Njoftimit Nr.6038 të datës 27.11.2014 të Ministrisë së Administratës Publike-MAP/DASHC, si dhe plotësim ndryshimin e Akt emërimit dhe duke kërkuar kompensimin material lidhur me koeficientin e pa realizuar nga njoftimi i datës 27.11.2014 deri me tani.



Këshilli i Pavarur Mbikëqyrës për Shërbimin Civil të Kosovës, bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave, me datë 23.06.2022 ankesën e ankueses e ka proceduar për përgjigje në ankesë në Komisionin e Pavarur për Miniera dhe Minerale, e cila me datë 30.06.2022 ka dërguar përgjigjen në ankesë, së bashku me shkresat e bashkëngjitura të lëndës prej 1/13 faqe.

Me datë 03.08.2022 Kryetari i Këshillit të Pavarur Mbikëqyrës për Shërbimin Civil të Kosovës, ka nxjerrë Vendimin me VK.nr.76/2022 për vazhdimin e afatit të ankesës me numër Anr.545/2022 të datë 20.06.2022, lidhur me kërkesën e datës 02.08.2022 të Kryetares së Kolegjit të Këshillit të Pavarur Mbikëqyrës për Shërbimin Civil të Kosovës, për shkak të natyrës së lëndës specifike.

**Kolegji për Shqyrtimin dhe Vendosjen e Ankesave, me qëllim të vërtetimit të plotë dhe të drejtë të gjendjes faktike dhe bazës juridike, për marrjen e vendimit meritore ka administruar këto prova:** Ankesën me Nr. Prot:3578/2022 të datës 20.06.2022 e parashtruar nga ankuesja në Këshillin e Pavarur Mbikëqyrës për Shërbimin Civil të Kosovës, përmes postës së Kosovës; Akt Emërimit të datës 14.03.2012; E-mail i datës 12.05.2022; E-mail i datës 18.05.2022; Njoftimit Nr.6038 të datës 27.11.2014 të Ministrisë së Administratës Publike-MAP/DASHC; E-mail i datës 02.06.2022; E-mail i datës 09.06.2022; E-mail i datës 10.06.2022; Kërkesë e datës 23.06.2022 nga Menaxheri i Personalit; Përgjigjen në ankesë e datës 30.06.2022; Kopje nga lista e pagave janar, shkurt, mars, prill, maj 2022; Përshkrimi i punës; Vendimi me numër VK.nr.76/2022 i datës 03.08.2022.

Kolegji për Shqyrtimin dhe Vendosjen e Ankesave, pasi ka shqyrtuar të gjitha shkresat e bashkëngjitura të lëndës të dërguara nga ankuesi dhe organi i punësimit, ka konstatuar se ankesa e ankueses është e pa bazuar, sepse:

Ankuesja në ankesën e parashtruar në Këshillin e Pavarur Mbikëqyrës për Shërbimin Civil të Kosovës, pretendon që ti bëhet harmonizimi i koeficientit për pozitën "Kryesuese e Sektorit Gjuhësor", në Drejtorinë e Administratës, nga koeficienti 8 në koeficientin 8.5, sipas Njoftimit Nr.6038 të datës 27.11.2014 të Ministrisë së Administratës Publike-MAP/DASHC, si dhe plotësim ndryshimin e Akt emërimit dhe duke kërkuar kompensimin material lidhur me koeficientin e pa realizuar nga njoftimi i datës 27.11.2014 deri me tani, në pajtim me dispozitat ligjore në fuqi në bazë të pozitës, që mbanë në Komisionin e Pavarur për Miniera dhe Minerale.

Kolegji për shqyrtimin dhe vendosjen e ankesave, duke i shqyrtuar pretendimet ankimore të ankueses, konstaton me dispozitat e nenit 7 paragrafi 1 dhe 2 të Ligjit Nr. 03/L-147 për Pagat e Nëpunësve Civil, është përcaktuar se: *"1. Udhëheqësit e institucioneve të administratës publike ia propozojnë gradat e pozitive në institucionin e tyre ministrisë përgjegjëse për administratë publike, në bazë të rekomandimeve të personit përgjegjës për burime njerëzore në institucionin e tyre, i cili është përgjegjës për zbatimin e standardeve dhe procedurave për klasifikimin e vendeve të punës në Shërbimin Civil. 2. Grada për secilin pozicion të punës dhe ndryshimet, miratohen nga Qeveria, me propozim të institucionit përkatës dhe aprovimit paraprak të ministrisë përgjegjëse për administratën publike dhe ministrisë përgjegjëse për financat"*, rrjedhimisht Kolegji, vlerëson se ankuesja ka themeluar marrëdhënie të punës sipas Akt Emërimit të datës 14.03.2012 me koeficientin tetë (8), andaj paguhet konform koeficientit të përcaktuar me Akt Emërim, ndërsa neni 9 paragrafi 1 i Ligjit Nr.03/L-147 për Pagat e Nëpunësve Civil, ku përcakton se: *"Nëpunësit civilë kanë të drejtë të marrin pagën bazë për numrin e orëve të përcaktuara në aktin e kontratës së punës"*. Mbi këtë bazë pretendimi ankimor i ankueses është i pa bazuar se Komisioni i Pavarur për Miniera dhe Minerale,



nuk mund të bëjë ngritjen e koeficientit me vendim të brendshëm sipas kërkesës së ankueses pa bazë ligjore, pa planifikim të mjeteve buxhetore të miratuara nga Ministria përgjegjëse për Administratë Publike dhe Ministria e Financave, si dhe pa miratim të Qeveria për grada për secilin pozitë të punës dhe ndryshimet e tyre, të përcaktuar në dispozitën e cekur si më lartë.

Duke marr parasysh që në Komisionin e Pavarur për Miniera dhe Minerale, të gjithë nëpunësit e kategorisë së pozitës që mban ankuesja paguhen me koeficient të njëjtë dhe nuk ka asnjë dallim në koeficient, atëherë Kolegji vlerëson që në këtë rast nuk ka trajtim të pabarabartë dhe diskriminues në mes të punësuarve siç parashihet me nenin 4 paragrafi 1 Ligjit Nr.05/L-021 për Mbrojtje nga Diskriminimi ku thuhet se: "Diskriminimi i drejtpërdrejtë konsiderohet kur një person trajtohet në mënyrë më pak të favorshme sesa trajtohet, ka qenë i trajtuar ose do të trajtohet një person tjetër në një situatë të krahasueshme, sipas një apo më shumë nga bazat e përcaktuara në nenin një (1) të këtij Ligji, si rrjedhojë në këtë rast veprohet në pajtim të plotë edhe me nenin 3 të Ligjit Nr.03/L-147 për Pagat e Nëpunësve Civil, kështu që pretendimet e ankueses janë të pabazuara.

Bazuar në këto rrethana, Kolegji për shqyrtimin dhe vendosjen e ankesave, pas analizimit dhe vlerësimit të gjitha shkresave të lëndës si dhe duke u bazuar në kompetencën e Këshillit, nenin 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij Vendimi.

Vendimi hyn në fuqi ditën e nënshkrimit nga Kryetarja e Kolegjit.

**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk ndalon ekzekutimin e këtij vendimi.

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS**  
Lënda me numër A.nr.545/2022

Zyle Millaku GOJNOVCI

Procesmbajtëse



Vendimi i dërgohet:

- Ankueses
- Drejtor i Përgjithshëm në Komisionin e Pavarur për Miniera dhe Minerale;
- Udhëheqësit të Burimeve Njerëzore në Komisionin e Pavarur për Miniera dhe Minerale dhe
- Arkivit të KPMSHCK-së.

